

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

350/2021 Foru Agindua, abenduaren 29koa. Hasierako onespena ematea Tuestako (Gaubeako udalerrria) barazki eta fruta finkarako azpiegitura elektrikoaren proiektuaren interes publikoa adierazteko espedienteari

Cultivos Araba, SLk obren udal lizentzia eskatu dio Gaubeako Udalari, udalerrri horretako lurzoru urbanizaezinean, zehazki, Tuesta herriko 12 poligonoko 1062 lurzatian, etorkizunean egingo den nekazaritza jarduerarako linea berri bat egiteko azpiegitura elektrikoaren proiekturako.

Gaubeako Udalak espedientea bidali eta proiektuaren interes publikoaren adierazpena izapidetzeko eskatu du, Lurzoruaren eta Hirigintzaren ekainaren 30eko 2/2006 Legeak 28.5.a) artikuluan xedatutakoa betetzeko.

Aurkezten den memoriaren arabera, Cultivos Araba, SL plastiko peko laborantzarako berotegi finka bat egiten ari da. Baratzezaintzako eta frutagintzako jarduerak instalazio osagarriak izango ditu, goi teknologiako baratzezaintzako eta frutagintzako finka batean beharrezkoak diren elektrizitate kontsumo jakin batzuekin. Ezaugarri jakin batzuk dituen azpiegitura bat jaso da proiektuan. Ezaugarri horiek espedientean jasota dagoen proiektu teknikoan deskribatzen dira, eta Iberdrola Distribución Eléctrica SAUren jabetzakoa den eta lehendik badagoen "Aiara_1" 30KVTEko sarearekin konektatuko da.

Udal arkitektoak egindako txostenean honako hau jasotzen da: linea berriak Espejoko 13 poligonoko 346 lurzatian dagoen linea bat lotuko du Tuestako 12 poligonoko 1062 lurzatiarekin, non hiru transformazio zentro kokatuko baitira, eta linea elektriko berria "Balio Estrategiko Handiko Nekazaritza eta Abeltzaintzako lurzoruetatik" "Baso urriko lurzoruetatik" eta "Nekazaritza eta Abeltzaintzako Trantsizioko Landa lurzoruetatik" igaroko da. Gaubeako Hiri Antolamendurako Plan Orokorrean onartutako erabileratzat ageri dira aireko eta lurpeko azpiegiturak/lineak, administrazio eskudunak baimena eman ondoren. Arabako Foru Aldundiako Landa bideen Erregistroan jasotako bide bat ere zeharkatzen du.

Aurrekari horiei aplikagarri zaizkie zuzenbideko oinarri hauek,

Ingurumen eta Hirigintza Sailak eskumena du aztertzen ari den espedientea ebazteko, diputatu nagusiaren uztailaren 5eko 324/2019 Foru Dekretuaren arabera eta Sailaren Egitura Organiko eta Funtzionala onetsi zuen Diputatuen Kontseiluaren otsailaren 9ko 17/2016 Foru Dekretuko 18.c) artikuluan xedatutakoaren arabera.

Lurzoruaren eta Hiri Birgaitzearen Legearen testuategiaren onesten duen urriaren 30eko 7/2015 Legegintzako Errege Dekretuak 13.1. artikuluan xedatutakoaren arabera, lurralde eta hirigintza antolamenduak urbanizazioaren bidez eraldatzea babesten duen landa egoeran dagoen lurzoruaren, salbuespen gisa eta lurralde eta hirigintza antolamenduaren legerian aurreikusitako prozedura erabiliz eta baldintzak betez, zilegi izango da berariazko jarduera eta erabilera batzuk legitimatzea, baldin eta interes publikoa edo soziala badute, landa antolamenduari eta garapenari ekarpenak egiten badizkiote edo landa ingurunean kokatu beharrekoak badira.

Bat etorri 2/2006 Legeak 28.5.a) artikuluan ezarritakoarekin, "lurzoru urbanizaezinean ezingo dira gauzatu aplikatzeko den arloko legeriak edo lurralde antolamenduak interes publikoko deklaraturako zuzkidura, ekipamendu eta jarduerak berariaz ezartzeko jardunak baizik, zeinak, betiere, dagokion Foru Aldundiak ebazpen bidez deklaratu behar baititu interes publikoko, hogege egunetz jendaurrean edukitzeko izapidea bete ondoren"

Aztertzen ari garen kasu honetan, hasierako onarpena izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du alde aurretik eragiten, inondik inora, behin betiko onarpenerako.

Horregatik, dagozkidan ahalmenak erabiliz, honako hau,

XEDATZEN DUT

Lehenengoa. Hasierako onspena ematea azpiegitura elektrikoko proiektu honen interes publikoa adierazteko espedienteari: Gaubeako udalerriko lurzoru urbanizaezinean, zehazki, Tuesta herriko 12 poligonoko 1062 lurzatian, etorkizunean egingo den nekazaritza jarduerarako aireko/lurpeko linea berri bat egitea.

Bigarrena. Espedientea jendaurrean jartzea, hogei egunez, foru agindu hau ALHAOn argitaratzen denetik aurrera. Epe horretan, nahi duen orok egoki iritzitako alegazioak aurkeztu ahal izango ditu. Interesdunek Lurralde Antolamenduaren eta Hirigintzaren Zerbitzuan azter dezakete espedientea.

Hirugarrena. Foru agindu honek izapide egintza ez kualifikatuaren izaera du, eta beronen aurka ezin da errekurtsorik aurkeztu.

Vitoria-Gasteiz, 2021eko abenduaren 29a

Ingurumen eta Hirigintza Saileko foru diputatua

JOSEAN GALERA CARRILLO